



Arubaanse Courant

Anja 26

DIABIERNE 17 JULI 1964

No. 5086.

Goldwater cu 883 voto a sali candidato pa presidencia E.U

San Francisco, -- UPI -- E senador pe estado Arizona, Barry Goldwater, ayera nochi a ser eligi candidato presidencial di Partido Republicano pe proximo eleccionnan norteamericano. Den e prome votacion Goldwater a haña 883 voto contra 214 di William Scranton, quende ta gobernador di e estado Pensylvania. E senador tabatin mester di solamente 665 voto pa ser nombra candidato.

San Francisco, -- UPI -- Mei ora despues di su nombramentu como candidato presidencial pa Partido Republicano, e senador di Arizona, Barry Goldwater a aparece dilanti di e camaranan di television pa gradici e delegadonan di su partido pe nombramentu qu ta e honor "mas grandi qu un republicano por ricibi". E flamante candidato di e partido a bisa qu el lo tene un campaña vigoroso contra di presidente Lyndon B. Johnson en relacion cu e cuestionnan di importancia pe pais.

Su compañero di formula, pues candidato pa vice-presidencial, lo ta e catolico William E. Mil-

ler, di 50 aña di edad, quende ta representante republicano pe estado New York. Miller lo worde nombra oficialmente awe durante e sesion qu lo scucha e candidato Goldwater, den su mensaje di nombramiento.

FATUM

Pa tur bo aseguran
Tel. 1845.



William W. Scranton

*Perdedor, pero lo duna
Goldwater su apoyo.....*

Un ratu despues di e eleccion di e candidato presidencial, William Scranton a hasi su aparicion den e sala di e Convencion pa anuncia qu el lo colabora y apoya e candidato nobo pienamente.

TOPA CU BO

AMIGONAN DEN
CHI-KOE-CHA
Coffee-shop

Tabata Scranton mes quende, despues di qu e resultado a ser duna di conoce, a propone pa modifica e votacion pa qu e nombramentu di Goldwater lo tabata unanime y e delegadonan a hasi asina, drechando nan voto anterior den casonan necesario, pa duna e aprobacion unanime pe nombramentu di Goldwater como candidato presidencial di e partido.

REACCIONNAN.

E coresponsal Neoyorkino di Prawda a llama e programa cu e convension republicano a accepta e programa di mas reaccionario, guerrero y aventurista di eleccion den historia mericano. Segun Tass a scribi cu e partidaronan di Goldwater y e circulonan industrial, financiero y militar cu ta tras dje senador, ne convension tabatin tur cos di bisa.

Oleg Wasuljev, comentarista di Sowjetskaja Rossija, ta di opinion, cu e programa di eleccion dje partido republicano ta yen di anti-comunismo den e forma di mas grof y abierito.

Na Inglaterra e eleccion di Barry Goldwater ta ser considera un mal noticia.

Foi e momento, cu Goldwater a ser menciona como competidor pe puesto di candidato, nan no a scribi den prensa britanico ningun palabra den favor dje se-

BISANOS

E motibo pakiko mi ta haya "Arubaanse Courant" un diario asina bon, pasobra nunca "Arubaanse Courant" ta duna noticianan falso.

Agapito Kelly,
Noord 40.

nador di Arizona. Den convencionnan particular e lidernan labourista como e lidernan dje partido conservativo, ta duna mesun contesta ora cu nan ser puntra pa nan opinion tocante Goldwater. Nan a llama e posibilidad di un triunfo dje senador foi Arizona ne venidero eleccionnan presidencial un berdadero pesadilla.

"E corant conservativodanes B.I. a bisa cu e triunfo di Goldwater riba un manera espantoso ta accentua e opinion di De Gaulle cu no por confla Merca pasobra bo no por sa kende lo bira president. Segun e corant e politica agresivo anti-comunista di Goldwater lo crea entre Merca y Europa un abismo cu ta mes grandi cu atlantico. E corant polaco, "Slowo Powszechna", a scribi cu e triunfo di Goldwater ta causa pe hecho cu ta apela ne personanan cu tin miedo pa cambianan, esaki kier men, na personanan conservativo dje tipo clasico. "France Soir", ta mira den nombracion di Goldwater un paso bek, cu lo duna e comunistanan cu ta duda ne ambiente di destencion na Merca, y e europeanonan cu no tin confianza den union di Merca y Europa, argumentonan nobo.



Bistiendo un fez arabe, senador Barry Goldwater ta hisando su mannan di un moda triunfal den e Auditorio Masonica na San Francisco, durante un discurso previo na su nominacion como candidato presidencial pa Partido Republicano.

A.VROLIJK CU BECA PA ESTADOS UNIDOS

ORANJESTAD, 17 juli. - Ayera tardi un cuarto patres a sali cu avion di Trans Caribbean Airways pa Estados Unidos, senyor Andres A. Vrolijk. Senyor Vrolijk a hanja un beca di estudio di teritorio insular di Aruba pa durante di ocho luna sigui un studio di assistent-luchtverkeersleider na Oklahoma City, Oklahoma.

E curso aki ta worde organisa door di Federal Aviation Agency na Washington D.C. E parti mas grandi di e curso intensivo y ariba nivel internacional aki lo worde sigui na academia di Federal Aviation Agency, mientras cu senyor Vrolijk lo haci experiencia practico na diferente torenan di trafico aereo den diferente lugar.

En caso di termina e curso aki cu bon exito senyor Vrolijk tin un perspectivo nobo, pues cu e falta un curso mas solamente pa cualificacion como luchtverkeersleider.

E beca aki ta su promer den Antillas di tal estudio y pues ta duna posibilidad pa keda na e nivel di desaroyo di trafico aereo na Aruba, cual urgentemente mester di luchtverkeersleiders.

E intencion di B.C. ta puestam-be pa si esaki ta posibel duna dos beca mas asina otro anja. Ayera mainta pa nueb'or senyor Vrolijk a firma e contract pa estudio cu B.C. di Aruba na oficina di senyor G.A. Oduber, Senyor Vrolijk ta biba na Johan de Witstraat 10-A y ta un ex-alumno di St. Dominicus College. E ta naci na Aruba dia trinta di november 1941. Na aeropuerto senyor Vrolijk a worde despedi pa diputado Oduber, senyor E. Arends di departamento di salubritonon di enseñanza, senyor C. Heemskerk, luchthavenmeester, familia y amigonan.

Gobierno di Aruba ta sigui busca posibilidad di estudio pa hobennan arubano den teritorio di Caribe y Estados Unidos.



SABOR CU NUNCA TA
VARIA

IT NEVER VARIES.

Preparacion pa torneo internacional di pesca


(Di Nos Redactor Deportivo)
ORANJESTAD, 17 juli. - Dia-razon anochi a reuni na Aruba, e "Petit Comité" for di seno di e comité central di torneo internacional di pesqueria Antillas Hulandes cu e comité organisador di Aruba. Den e petit comité aki tin puesto dos representante di Aruba, dos di Corsow y un di Bonaire. For di Corsow a bin James Leander y Edsel Jessurun, kendenan ta president y secretario respectivamente di e comité central y for di Bonaire a bin Toon Abrahams. Representantenan di Aruba den e petit comité ta Edwin De Cuba y Nicky Ecury. Detayadamente a worde discuti e plannan cu ta existi pa e torneo internacional cu den luna di november lo worde teni na Aruba e anja aki.

Ariba dia 12 lo tin apertura oficial e siguiente dos dianan e tiradornan y botonan lo ta den accion den e lamar rond di Aruba. Ariba diadomingo dia 15 di november lo tin clausura oficial di e torneo. E comité organisador di Aruba ta consisti di Michael S. Kuiperi (president), Watty Chal (secretario), Harold Oduber (tesorero) dr. G.A. Oduber, Aquiles Leon, Edwin De Cuba, Alfonso Luis van der Linden, Nicky Ecury, John Merryweather y Ernesto Arends. Pa di promer

Central nobo na Balashi casi cla

BALASHI, 17 juli. - E centrale di electricidad na Balashi cual ta worde construi pa Westinghouse ta practicamente cla pa worde entrega door di e instalador. Na e momento tin unicamente algun cosnan cu tin di worde arregla pa Westinghouse, pero segun ta worde spera esaki pronto lo ta cla y e entregamento lo tuma lugar. Ya ta asina leu caba cu e entregamento di electricidad di Aruba ta tuma lugar door di dos machin nobo di Westinghouse di trinta mil kilowatt cada uno.

Door di esaki ta posibel pa haci un controlacion di e machinnan cu na e momento tabata worde usa y pa alavez limpia nan. Si e fabrica nobo di electricidad lo worde inaugura oficialmente no ta conoci ainda, apesar cu tin cierto gruponan den B.C. cutana fabor di esaki na e momento, tin tambe cu no ta sinti mucho pa esaki.



E comision di FNYB a nombra (d.r.p.d.) Joop Gouweleeuw, Jan Snijders, Anton Geersink y Peter Snijders pa defende e colornan di Hulanda durante e encuentronan di judo cu lo tuma lugar na Tokio durante e weganan olimpico.

blaha a worde invita e anja aki e equipo campeon mundial di Brazil. Otro paises cu a worde invita ta Colombia, Guadeloupe, Jamaica, Martinique, - Puerto Rico, Merca, Virgin Islands, Venezuela, y naturalmente tambe e islanan di Antillas Hulandes, Corsow Bonaire y St. Maarten.

Muy probablemente lo worde extendi mas invitacion.

Bouwmaatschappij ta traha Fatima Convent

ORANJESTAD, 17 juli. - Dialuna ultimo e construcion di un Fatima Convent nobo pa e souernan di Goddelijke Voorzienigheid, cu ta traha na San Nicolas a worde destaja. Como cu Petrona & Croes na ultimo momento a hala atras pa motibo di hopi trabao a resta unicamente dos oferta. Esta di Bouwmaatschappij "Aruba" n.v. y di Bohama Aruba N.V. E promer a haci un oferta pa construi e convento pa e prijs di Fl. 288,700,- mientras cu Bohama a ofrece pa Fl. 297,500,-. E contracto lo bai pa Bouwmaatschappij. E convento a worde planja door di oficina di architecto di Petrona & Croes. E lo worde traha na skina di Prinsstraat y Torenstraat na San Nicolas. Aki na diez dia e trabao lo cuminsa y lo tin di bin cla den 250 dia.

Sr. van Wegberg ta laga Aruba

ORANJESTAD, 17 juli. - Senyor S. van Wegberg, maestro di La Salle College lo bai laga Aruba. El a tuma un puesto nobo na Hulanda na un college na Amsterdam. Na fin di agosto e ta laga Aruba. Senyor van Wegberg durante su estadia na Aruba a gradua pa e actonan L.O. Frans Spaans y Engels.

UMB ta existi 26 anja

SAN NICOLAS, 17 juli. - Union Mutualista Bonaireana dia diez di luna aki a cumpli su di binti seis aniversario. Manera ta conoci e organizacion aki cual a worde estableci na Aruba entretanto tin su departamentonan na Bonaire y Curacao.

AVA tin plannan pa bai Pto. Rico

(Di nos redactor deportivo)

ORANJESTAD, 16 juli. - Segun informacionan ricibi for di presidente di Aruba Volleyball Asociates sr. Roy van Putten, e asociacion aki tin planan serio pa den curso di luna di oktober 1964 viaha cu dos seleccion pa bai hunga un serie di volleyball na Puerto Rico.

E seleccion lo ta uno masculino y otro femenino. Pa yuda cubri gastonan cu tin en conexion cu e biaha aki, e directiva di A.V.A. a organisa dos balle, di cualnan ta worde spera cu lo por forma un fondo suficiente grandi pa cubri e gastonan di e viahe. Ariba diasabra dia ocho di agosto e promer fiesta lo worde teni den Club Estrella na Sta. Cruz y e segundo lo ta ariba dia 24 di agosto den Club Aruba Jrs. Pa hacie fiesta mas atractivo, ta worde organisa concurso di balle entre e participantenan di e clubnan di teenagers di Aruba.

Den e promer fiesta lo worde escheli cinco pareha entre e concursantenan y for di e cinco parehanan aki den e ultimo fiesta lo worde escheli e pareha ganador or final. Esaki lo hanja como premio pasahe di ida y vuelta y estadia na Puerto Rico pa dos persona. Pa tur club di teenager na Aruba a worde manda invitacion pa atende e dos fiestan.

Jubileo di Daniel Peters na Lago

ORANJESTAD, 17 juli. - Awe senyor Daniel E. Peters (cuarenta y un anja) lo celebra su binti aniversario na Lago. Senyor Peters, cu dia 23 di december 1943 a drenta servicio di e compania, durante 207 dia a traha entretanto otro caminda. El a cuminsa como laborer D y awor ta sandblaster.

SIG ta bai muda?

ORANJESTAD, 16 juli. - Ta muestra cu servicio informativo di gobierno di teritorio insular pronto lo muda pa un otro edificio. E motibo pa e mudacion aki ta parse ta pasobra cu e edificio den Zoutmanstraat cual na momento ta na uso no ta di aki te aya mas.

E intencion lo ta pa establece e oficina di SIG. den e cas L.G. Smith Boulevard No. 47, caminda te poco dia pasa tabata biba e hefe di W.E.B.



a caba di jega

BAR Y STUL

DI MACUTO FOR DI PORTUGAL.

Prijs di Bar. Fl. 75,--
*comodo pa bo bishita.
*Un adorno pa bo cas.
Pasa waak nan awe mes na.

ACME STORE

San Nic. tel. 5381-5384.

LANDS RADIO - EN TELEGRAAFDIENST

Examens ter verkrijging van het
Bewijs van Bevoegdheid als :

Radio - amateur

zullen worden gehouden:
te Curacao op 10 augustus 1964
te Aruba op 12 augustus 1964

Kandidaten dienen zich schriftelijk voor 31 juli 1964 op te geven bij ondergetekende met vermelding of zal worden deelgenomen voor radiotelegraaf en -telefoon of uitsluitend voor radiotelefoon. De Directeur van de Lands Radio- en Telegraafdienst, R.H.C. VAN HAAREN, Ing.

E Cas Di Bo Sonjo na prijsnan practico



cu materialnan di construcion di calidad y na prijs atractivo, esey ta solamente na

PETRONA & CROES (ARUBA) N.V.

A NACE

Karin Marijke

C.F. v.d. Hilst-Muller
C.M. v.d. Hilst
Els, Rob en René
Aruba, 15 di juli 1964
Ponton 75.

Temporalmente: San Pedro-Hospitaal.

Paulus Drukkerij a

pidi bancarota Amigu

ORANJESTAD, 16 juli. - Paulus Drukkerij N.V. ayer a pidi e bancarota di Amigudi Aruba N.V. esaki segun nos a worde informa pa senyor Amador P. Nita, donjo di e N.V. Segun el a sigui informa e peticion ta basa ariba e echo cu e emprenta a base di e decision di huez den un caso anterior, tin di hanja Fl. 125,-- di Amigu di Aruba, cual suma te ainda no ta paga.

Entretanto senyor Nita ta sigui cu su procedura contra di Paulus Drukkerij. E interes di e emprenta ta worde defendi pa abogado mr. P.P.C.H. van de Voort, y Nita ta defende su mes.

Directiva nobo pa futbol di CB

SAN NICOLAS, 17 juli. - Ultimamente e departamento di futbol di Club Bonaireano na San Nicolas a eligi un directiva nobo. Di esaki awor senyor Looy Janga a bira presidente. E otro miembronan di directiva di e seccion aki ta vice presidente Elco Nicolaas, secretario Robert Rodriguez, tesorero Vicent De Lane segundo secretario B. Pourier, segundo tesorero J. Martilia y comisario J. Vrolijk.

FLOR PA TUR OCASION

* flornan escheli
* bunita areglá
* entrega na cas
pa bo pedidonan

Floresteria

THE GARDENIA

(prop. sra. L.E. Wix)
Missouristr. 15 - tel. 5316.

TA BENDE

Un cama di dos persona di mahok pa F. 200,-- 1 set di stoel di 5 pida, plus 1 canapé cu tapijt pa f. 350,-- 1 stoof di gas f. 225,-- 1 dinner-set cu 6 stoel f. 190,--

Acudi na: Archimedestraat 5, (Companashi).

TA BUSCA PA HUUR

inmediatamente
UN CAS CONFOR-
TABEL

bon situa, na San Nicolas. Preferible den vecindario di Lago Sport Park.

Ofertanan na: Sra. A.G. Wal-fenzao, Union Store, Tel. 5185.

TA BUSCA PA HUUR

un casita

NO MAS CU F. 30,--
Den vecindario di Playa y Ponton.

Jama tel. 3132.

NOBO NOBO NOBO NASSAUSTRAAT 34


Nan a jega "THE BEATLES", den nos pacus. Bin miranan! Tur sorto di tela nobo, cu bunita disenjos, un surtido enorme. Serca nos semper bo tin exito, pasobra nos prijsnan ta mas abao.

Hotpoint

E aircu cu apenas bo ta
tende funciona. Masha
economico y duradero.

**HOTPOINT**

E nevera cu e ventanan
cu e amanan di cas ta
prefera na promé lugar

**Emerson**

Den diferente modelo portatil y
console. Imagen constante y skerpi
riba e pantalla. Ademas nos ta
duná un TRANSFORMER GRATIS


Weibull

E stoofnan
di mas completo.



cu ta
un joya
den cada
cushina

EASY, e marca specializá den
wasmachine. Di e simpel mo-
delonan te na full-automatico.

EASY

Cada cumprador di un aparato electrico grandi na
ARUBA TRADING COMPANY
ta ricibi un CERTIFICADO cu
cual e por compra GRATIS
pa un cierto balor den cualkier
negoshi di ARUBA TRADING
COMPANY

CHRYSLER**AIRTEMP**

pa su
calidad
superior
incomparable

No solamente pa e fa-
moso neveranan, pero
tambe pa stofzuiger y
otro aparatonan elec-
trico moderno.

**Electrolux**

MEJOR CALIDAD - MEJOR SERVICIO - PRIJSNAN MAS ABAO Y CONDICIONNAN MAS FACIL

ARUBA TRADING COMPANY

NPV na Aruba tin hopi plan nobo awor


ORANJESTAD, 17 Juli. - Na e
momento aki ta worde traha ma-
sha duro pa bolbe pone e organi-
sacion di padvinder na Aruba a-
riba pia y pa duna e Padvinderij
den e sector aki bida nobo. Des-
union den circulon halto di N.
P.V. a causa cu a bin un bruha-
mento. Gracias na e venida di
dos conocido den e tereno di N.
P.V. na Aruba, esta inspector
hefe J. Schouwe di Corsow y e a-
gent promer klas R. Heuvelman
di Bonaire e interes pa e caso
aki a worde reviva.

Senjor Schouwe kende ultima-
mente a worde detacha pa Aru-
ba cu e intencion pa e bira co-
misario di polis, tabata preside-
nte di e comision local di Corsow
y alavez e tabatin masha hopi ex-
perencia den e trabao aki na Cor-
sow y tambe hopi influencia den.
Senjor Heuvelman ta esun cu ari-
ba peticion di e tempo ey gezag-
hebber van Hesteren ayuda esta-
blece gruponan di padvinder na
Bonaire. Y tambe tabata presi-
dente di comision di e grupo
tempo cu el a bin Aruba. E re-
sultado di e initiativonan di sen-

jor Schouwe tabata e reunion cu
ayeranochi a worde teni cu lider-
nan di N.V.P. na Aruba. Den e
reunion aki a worde papia tocan-
te di e idea pa estableci un Neder-
lands Antillanaanse Padvinders
Vereniging, cu lo bin na lugar di
N.P.V. asina nankier estableci un
organizacion autonomo pa Aruba
como cu senjor Schouwe te ainda
ta detacha na Aruba y pues asina
por ta parti di N.P.V. di Corsow
e ta hanja di ta den un poscion
favorable en cuanto esaki. Pa a-
serca Aruba di blaha den e ini-
tiativo aki.

JAMBORETTE

Encuentro e participacion antilla-
no na e Jamborette, cual lo tuma
lugar medio agosto venidero na
Surnam, a worde participa
nos, cu e intencion ta cu e pad-
vindernan di Antillas lo bai cu
un avion charter pa aya. Ya na
islanan ariba tin ocho persona
cla pa bai. Di Bonaire lo baldos,
na Aruba caminda desunion a re-
bolta hopi planan manera cu ta
mustra na e momento lo no bai
tampoco mas cu dos. Di Corsow
lo bai resto pa yena avion.



Estudiantenan di Tokyo Athletic College aki ta tene ehercito cu whoola hoop durante e celebracion
reciente di 70 aniversario di weganan Olimpico moderno. E celebracion a ser auspacia pa e comite
qu ta organisa e weganan olimpico na Tokyo e aña aki pa fomenta interes den e weganan aki.

ATENCION ABONADONAN:**E FECHA FINAL DI PARTICIPACION DI NOS CONCURSO NOBO****"BO TA CORDA AINDA"****NO TA DIA 23 DI AUGUSTUS pero DIA 23 DI JULI VENIDERO**

VOLLEYSTARS TA TENE KNOCKOUT PA CARACAS

(Di nos redactor deportivo)

ORANJESTAD, 17 juli. Diadomingo dia 19 juli lo tin volleyball femenino henter dia na St. Antonius College na Sta. Cruz. Door di volleystars ta worde organisa bao auspicio di Aruba Volleyball Association, un torneo eliminatorio entre cuatro equipo femenino clase A y cuatro equipo femenino clase B.

Di clase B, ta enfrenta otro den e promer wega Brazil y R.C.A. pa dicidi ganador A, cual lo enfrenta 2'or di merdia e ganador entre Connie Francis y Valiant.

Di clase A ta enfrenta otro den e promer wega Volleystars White y Volleystars Red pa dicidi ganador A. E segundo ganador den e clase aki lo worde dicidi entre La Fama y Fanny's Shop. Finale di clase A lo ta tres'or di atardi.

Obheto di e torneo aki ta pa Vol'eystars reuni fondo pa yuda cubri gastonan en conexion cu un viahe cu e club aki tin planea pa haci pa Caracas, Venezuela. Intencion di directiva di Volleystars ta pa bai na principio di luna di agosto pa hunga un serie contra equiponan capitalino Venezolano.

Den prensa Venezolano ya a worde dedica atencion na e viahe cu e volleyballistanan Arubana tin planea.

Durante estadia di e team di

Base-ball Venezolano M.O.P. cu a hunga na Aruba durante e recien termina A.S.U. Olimpiada, a worde haci contactonan valioso pa realisacion di e viahe di e team di Volleystars. Ademas di e torneo relampago di diadomingo, dia 19 di juli pa cual door di Victoria Bottling Company a worde obsekia copanan pa e ganadornan di e dos clasenan, directiva di Volleystars tambe ta organisando di e dos clasenan, directiva di Volleystars tambe organisando un baile den Commandeursbaal Club na Savaneta ariba diasabra dia 25 di juli

Hypocad campeon di hersengymnastiek

ORANJESTAD, 16 juli. - Diarazon ultimo a tuma lugar den studionan di Radio Kelkboom e finale den e encuentro di hersengymnastiek cual a worde organisa door di Radio Kelkboom. Den e ultimo turno aki a encontra otro e cuatro sabionan di Hypocad y e cuatronan di Spoed Niet. A resulta cu e sabionan di Hypocad ta mas avanza cu esnan di Spoed Niet door di gana 27 pa 25. E dos teamnan aki cada uno a hanja regalo pa nan exelente participacion.

1964. Cu musica di Sensacion Musical ta worde spera un concurrencia grandi pa asina yuda e fondo pa e viahe pa Caracas.

IOWUA ta bai yuda constructores

SAN NICOLAS, 17 juli. - En conexion cu e hecho cu diarazon ultimo un setenta trahador di Mc Kee a hanja nan retiro pa motibo di a tuma parti na actividadnan di huelga y pa e motibo ey tambe 45 persona (di e 49) cu ta traha na Bell Caribbean a hanja nan retiro, na e momento un fondo di lucha a worde forma pa esnan cu a hanja nan retiro pa duna nan apoyo financiero. E union di empleadonan di Lago, Independent Oil Workers Union, IOWUA, ya a deposita un suma di dos mil pa e fondo aki. For di parti di e organisacion aki nos a worde informa tambe cu nan lo pidi nan miembronan pa apoya e fondo aki. Tambe un peticion lo worde haci na gobierno pa duna permiso pa colecta placa cerca pueblo pa apoya esnan cu a perde nan trabao. Probablemente diadomingo venidero IOWUA lo tene un reunion general di miembronan pa delibera cual lo ta e siguiente medidanan cu lo por worde tuma den e caso actual di e constructornan.

Cu un FLOOR-POLISHER ELECTRICO

bo vloernan ta lombra
manera spiel.



Mas higienico, mas rapido, mas economico!
Esey REDDY KILOWATT ta garantisa bo!

TERITORIO INSULAR DI ARUBA

Ontvanger di teritorio insular di Aruba ta recorda esnan cu debe e segundo termino di belasting di auto pa anja 1964, cu esaki mester ta pagá promer cu dia 31 di juli 1964.

CURSUS SUCCES

(E CURSO MAS GRANDI Y MAS BJEEUW NA ARUBA)

Na Sta. Cruz y Playa tin hopi lugar trobe pa type. Sinja type y steno cerca nos y haya un diploma di hopi balor.

CURSUS SUCCES: Sta Cruz, Papillon 53,
San Nicolas, Bernhardstraat 110, tel. 5791.

Oranjestad, Nieuwestraat 6, tel. 1534.



Diarazon mainta ultimo srta. Lydia Henriquez a sali cu avion pa Curacao for di unda e lo sigul hunto cu Miss Curacao pa Jamaica, caminda nan lo hanja un entrenamiento preparativo pa e concurso di Miss Universe na fin pa cuminsamento di e luna aki na Miami, Florida. Aki nos ta mira na robez srta. Henriquez, den centro senyor Milo Croes, kende como presidente di e Comité Central di Carnaval, di ultimo anja, na cual Carnaval Lydia a sali Reina, e haci hopi pa facilita e balda di Lydia pa Miami, y na drechi senyor Whatey Chai di Oficina di Turismo, e contactnan entre e diferente organisacionnan.



Aki nos ta mira un parti di e comite di damas kendenan a percura pa srta. Lydia Henriquez por representa Aruba cu tur lo necesario na e concurso pa Miss Universe na Miami e anja aki. E damanan ta a colecta fondo y otro articulan necesario pa haci e participacion di Lydia posibel. Di robez pa echí nos ta mira sra. Palmira Ponson, ruman muher di Lydia, sra. Lucy Henriquez, di e comite, srta. Lydia Henriquez, sra. Mosa Whitfield Aura Croes y Rita Luidens, di cual e ultimo tres tambe ta forma parti di e comite di damas.



Aki nos por mira Lydia Henriquez, Miss Aruba y Miss Curacao, Iris De Windt subi den avion cu lo hiba nan Jamaica y Miami pa participa den e concurso di Miss Caribbean y Miss Universe.


Epidemia di disenteria na Alemania Oriental

Berlin, -- UPI -- Den e distrito german oriental Schwerin, nan declara un epidemia di disenteria mas o menos tres siman asá, despues qu mas o menos 100 caso a wordu registrá den a poblacion di 92.000 persona. E oficina di informacion di Occidente, a bisa qu e no tin dato riba posibel casonan den zon bisña.

E oficina a bisa qu ta mashadifil pa haña informacionnan exacto ba e epidemia, a causa di qu corantnan y radionan di Schwein solamente por proporciona informacionnan masha debil riba esaki.

Prensa comunista di Berlin no a menciona esaki at all. E oficina, qu ta ser considera como un bon fuente di noticia den interior di Alemania Oriental y ademas exacto y responsabel, tabata duda di e informacionnan di que enfermedad lo a extende su mes rapidamente.

E corant B.Z. di Berlin Occidental a bisa awe qu den e distrito Luebz ocho ciudad a ser serra pe bishitantenan y qu tin asina tantu caso qu e hospitalnan ta yen y remedinan a caba. Nan a agregá qu solamente 2.000 di e 8.000 habitantenan di e ciudad Plau, a haña e enfermedad.



Robin D'Erlander cu a bula cu su avion di un motor di Normandia, Francia pa Biggin Hill, Inglaterra, a cai banda di Folkstone. Robin cu despues a worde salba pa un tanker, aki ta sinta warda trankil riba su avion cu a keda drief pa nan salbe.

MERCA Y RUSIA TA RECHAZA PA DESTRUI BOMBARDERONAN

Ginebra, -- UPI -- Merca awe a rechasa e propuesta di Rusia, y Union Sovietica na su turno a rechasá esun di Estados Unidos refiriendo na destruccion di e bombarderonan. E delegado norteamericano Clare Timberlake a bisa qu destruccion total y den un operacion só, y cual a ser proponé pa Rusia, lo cambia e nivel di e forsanen actual.

E delegado ruso, Semyon Tsarapkin, a denuncia qu e propuesta norteamericano pa cuminsa destruccion di 960 aparatonan ta masha debil.

Tsarapkin a bisa qu Union Sovietica lo ta flexible den su actitud en cuanto destruccion di e bombarderonan, pero di inmediato, den transcurso di su declaracion, a laga sá qu Union Sovietica ta mantene su mes flexible manera semper. El agregá qu su pais ta dispuesto na trata e destruccion parcial di e flota bombardero y tambe studia e sorto di tiponan, pero esaki por tuma lugar solamente si e eliminacion tuma lugar den un periodo basta corticu. Esaki a ser califica un bes como un "trampa."

Timberlake di su parti a duna detallenan riba un plan di ocho punto pa destruccion di 480 bombardero B 47 norteamericano y 480 "Tejones" sovietico.

Ela rechasa e propuesto sovietico di "tur cos of nada," argumentando qu esaki lo duna Rusia un ventaja militar. Ela agrega qu Merca ta depende di su bombarderonan pisa pa suplementá su arsenal di proyectilnan qu ta

dirigi pa largo alcance y qu ta pesey nan tabatin mas bombarderonan qu Rusia.

Timberlake, delegado norteamericano, a rechasa e acusacion ruso di qu e propuesta di un destruccion limitá di esnan B 47, y TU-16 no tin ningun significacion.

Nos ta proponiendo destruccion fisica di un coi hunga di guerra," asina Timberlake a bisa den e conferencia. El a señala qu un avion B-47 ta transporta un carga nuclear cual su poder explosivo ta "mas grandi qu tur e bomnan qu a ser tira durante di segunda guerra mundial." E delegado norteamericano a bisa qu "e tipo TU-16 ta casi similar." E ocho puntanan qu a ser propone pa Timberlake pa destruccion di bombarderonan tabata lo siguiente:

1. Estados Unidos y Rusia mester destrui 20 di su bombarderonan B-47 y TU 16 tur luna durante un periodo di dos aña.
2. E destruccion mester tuma lugar na Merca y Rusia, den un aeropuerto especialmente designá.
3. E bombarderonan mester ser pone cada prome dia di luna riba e aeroportonan pa wordu destrui.

4. E destruccion lo ser supervisá y controlá pe pais huesped, na su costo.

5. E destruccion mester ta di tal manera qu nan no por wordu drechá pa bolbe cuminsa bula.

6. Cada pais, si asina e ta deseá anto, kita cuakier equipo di su bombarderonan, prome qu e destruccion.

7. E destruccion lo ta vigilá pe adversaria. "Abota inspeccionami y ami ta inspeccionabo."

8. E paisnan neutral y Nacionnan. Uni mester tene un inspeccion parcial tambe.


Entreganan di arma ruso pa Indonesia

MOSCU, 17 juli. - Union Sovietica lo entrega Indonesia un cantidad considerable di material militar, asina a worde participa awe den circulonnan Indones na Moscu.

E acuerdo en kestion a worde firma door di e minister Indones di exterior, dr. Soebandrio? Cu e Rusonan.

Soebandrio tabata un siman na Union Sovietica y lo bandona e pais mayan.

E minister a bolbe haya e siguranza di e rusonan cu nan ta apoya e política di confrontacion di Indonesia contra Malacia, asina e circulonnan menciona ta bisa. E ministernan a paplatambe tocante demas desarrollo di e relacionnan economico entre e dos paisnan.



Gobernador William Scranton aki ta consola su mes cu un maishi despues di e resultado desapuntante qu el a obtene despues di e promer votacion pa nominacion presidencial di Partido Republicano. Pero e senador a bisa qu lo e apoya Goldwater plenamente.....

GOBIERNO KIER PA TROPANAN TURCO BANDONA CHIPRE

Nicosia, -- UPI -- Gobierno greco-chipriota di e isla aki a protesta contra di desembarque di trupanen turco den costanan di Chipre y a menasa di tuma medidanan drastica a menos qu trupanen ey bandona territorio chipriota.

Segun nan a informa den fuente-nan greco-chipriota, ta trata aki e nota mas enérgica qu Chipre manda Angora, for di día qu e isla a convirti su mes den un estado independiente cuater aña pasa.

Fuentenan turco na Istanbul a bisa qu forsanen guerrillero turco a infiltra den e isla dene ultimo lunanan aki, mientras qu nan gobierno tabata na altura di esaki. E version aki anteriormente a ser desmentí pe ministerio di relacionnan exterior di Turquia.

E nota chipriota ta rechasa e desmentidonan ey y ta bisa qu e desembarquen an secreto di trupanen turco ta constitui un agresion y un violacion di e integridad territorial di Chipre y ta conseha nan pa bandona e pais inmediatamente.

ATENCION ABONADONAN:

E FECHA FINAL DI PARTICIPACION DI NOS CONCURSO NOBO

"BO TA CORDA AINDA"

NO TA DIA 23 DI AUGUSTUS pero DIA 23 DI JULI VENIDERO

Finale di torneo di Jong Aruba

ORANJESTAD, 17 Juli. - Segun e tesorero di Jong Aruba Sr. Frans Figarao a informanos, diadomingo awor, dia 19 di juli 1964 pa cuator di atardi lo worde hunga e final di e torneo organisa door di e club ey. E torneo di futbol aki a mira cuatro club den accion. Den e promer wega Bubali a gana di S.C.A. cu score di dos gol pa uno y den e segundo wega Jong Aruba a supera Sportboys cu anotacion di tres gol pa cero. Asina ta cu den e finale di diadomingo ta topa otro cara cara e ocananan di Jong Aruba y Bubali. Pa e torneo aki a worde obsekia un copa door di Eagle Beach Bar. E pueblo di Noord especialmente lo acudi sigur den gran cantidad pa mira e rivalnan di e distrito ey den accion contra di otro den loke por bira un candeloso y interesante partido.

Noticianan di polis

ORANJESTAD, 16 juli. - Diarazon anochi un cuarto pasa di ocho e cabajero T. a duna cuenta na oficina di recherche na San Nicolas cu un tal J. a tire cu dos botter. Un di e botternan aki a dale ariba su man y a kibra su holoshi cual e nopo ahanjamas. E pelea di botter a tuma lugar den St. Maartenstraat. E caso ta worde investiga.

Banda di il'or a bolbe presenta na warda di polis T. kende ta declara cu J. a maltrate den Rembrandtstraat. El a dale tres biaha cu un pipa ariba su man. Recherche ta buscando J.

Diarazon anochi il'or y cuarto patruilla na San Nicolas a mira un marinero cu un herida na cabez y boca. El a declara cu el a cai. Despues di a worde liba dokter pa tratamiento patruilla a hibe su bapor.

Un tal B.A. a bin declara diarazon na recherche na Oranjestad cu nan a horta diez florin for di den su dashboard di su auto diamars ultimo. E caso ta worde investiga.

CASTRO NO A DECLARA

La Habana--UPI - Prome ministro Fidel Castro ayera nochia asisti ne recepcion qu a wordu ofrecé pe embahador francés Roger du Gardier, conmemorando 14 di juli, y pa di prome bes for di dia qu ela cuminsá asisti na recepcionnan den sedanan diplomatico occidental aña pasá, e no a duna declaracionnan na prensa local of extranhero. Ora qu ela sali for di e sede, Castro a pidi periodistanan excusá su mes ya cu e no por a duna ningun declaracion e ora ey, pero ela priminti di duna unu durante e festividadnan di dia 26 di juli, na Santiago de Cuba, riba cual dia nan ta celebrá e di 11 aniversario di e revolucion di e Movimiento Castrista. E recepcion aki tabata e ultimo qu a ser duna pa Du Gardier den calidad di embahador na Cuba, ya qu diahuebs awor e ta regresa Paris.



Un esposa Vietnames ta jora pa su esposo morto aki, cu a cai durante e lucha na Suoi Dai, na sur di Saigon. E trupanen vietcong ta muestra di ta hopi mas fuerte cu e trupanen di Sur Vietnam.



Marineronan den futuro no tin mester di muri poco poco den un submarino qu accidentá bao di superficie hundu di laman. E trahe di emergencia aki ta provee un cordon di aire protectivo pa e marinero segun e ta subi bai haltu.

MONOKINI NA URUGUAY

Montevideo - UPI E mono kini a ser exhibi pa promer biaha na Montevideo ayera pa dos modelo... pero sin bida y di estructura metalica.

Un pacus importante, qu ta keda den avenida 18 de julio, e principal caya di Montevideo, a exhibi e dos modelonan, qu segun e anuncio, a ser importá for di California y Paris.

No obstante qu e dos modelonan no tabata "bibu", un publico numeroso tabata rondona dilanti di e showcasenan pa admira (of desprecia, segun nan gusto), e prendanan famoso.

E damanan qu a mira nan, en general, tabatin observacionnan di poco aprecio pa e moda nobo aunque qu tabatin poco qu a drenta pa informa di e prijs y otro cosnan.

Di manera qu lo no ta nada straño qu durante e proximo temporada veraniega, e numeroso playanan di Montevideo y di west di e pais lo ta testigu di acontecimentonan qu a sosode na otro lugarnan caba.

ATENCION ABONADONAN:
E FECHA FINAL DI PARTICIPACION DI NOS CONCURSO NOBO
"BO TA CORDA AINDA"
NO TA DIA 23 DI AUGUSTUS pero DIA 23 DI JULI VENIDERO

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERYS - en PUBLI-
 CITEITS MIJ..

Imprimi na:
 N.V. DRUKKERIJ
 "DE STAD"

Telefoon 1116 Directiva y redac-
 cion, 2116 Anuncio y subscrip-
 cion.

Directeur hooftredacteur:
 D. Wolff.

POR CUMPRAR ARUBAANSE
 COURANT NA E SIGUENTE
 LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARDA

Oranjestad Botica Oduber Tel:
 1780
 San Nicolas Botica San Lucas
 Tel: 5119

CINÉ

De Voor: 8.30 p.m. "Sucu-Sucu"
 all.
 Rialto: 8.00 p.m. "Raymie" all
 Principal: 8.00 p.m. "Sodom and
 Gomorrah" 18 j
 Aurora: 8.00 p.m. "Papa's Dril-
 cate Condition" all
 Savaneta: 8.00 p.m. "Rampage"
 18 j.

TELEARUBA

5.30 Children Hour
 5.55 Israel presents
 6.15 Robin Hood

RADIO KELKBOOM

7.00 Opening
 7.02 Bon dia cu Alegria (Instru-
 mental)
 7.30 Noticia Internacional (Am-
 stel)
 8.00 Seleccion musical di dis-
 conan Latino Americano.
 8.30 Cumpleaños Felix
 9.00 Noticia Social
 9.15 Peticiones Pa Telefono
 9.30 Musica Instrumental
 10.00 Noticia Internacional
 10.05 Ritmos Latinos
 10.30 Programa de N. Habibe Jr.
 11.00 Noticia Internacional.
 11.05 Musica Norte Americana
 11.15 Musica Antillana
 11.30 Musica Varia

12.15 Noticia Internacional
 (Schlitz)

12.30 Musica Norte Americana
 12.45 Noticia Local (Viana)
 01.00 Musica Varia

01.30 Mel ora cu Boleros
 02.00 Novela Repeticion
 02.30 Verzoekplaten programma
 03.00 Kinderprogramma
 03.15 Ritmos di Caribe
 03.45 La Macorisana & Inter-
 national Supermarket
 04.00 Musica cu Sabor Azteca
 04.30 Noticia Local (Heineken's)
 04.45 Cocktail Musical
 05.00 Danzones Cubanos
 05.15 Musica Varia
 06.00 Noticia Deportivo (Gillette)

06.45 Voorlichtings Dienst A.V.D.
 07.00 Noticia Internacional na pap.
 07.15 Musica na Hulandes
 07.45 Musica Norte American
 (Instr.)
 08.15 Novela (Colgate)
 08.45 Musica Volga
 09.00 Musica Poesia y Compo-
 sicion Antillana
 09.30 Musica Varia
 10.00 Sluiting.

6.40 Catholic Church
 6.45 News
 7.00 Gunsmoke
 7.30 Sportnews
 7.45 Padu del Caribe y su show

8.15 Colonel Flack
 8.45 English News
 9.00 Perry Mason
 10.00 T.V. per luchtpost
 10.30 Sign off.

RADIO ANTILLANA

A.M.
 05.30 Manianita Arubana
 05.45 Bai Trabao den Compania di
 Bo Companiero Constante.
 Radio Antillana
 06.10 Noticia na Ingles
 06.30 Noticia na Papiamento
 07.10 Noticia na Ingles
 07.30 Noticia na Papiamento
 07.45 Programa di Joel Nieuw
 08.00 Espacio pa Ritmo Criollo
 y poesia
 08.10 Noticia na Ingles
 08.30 Musica y consejo dedica na
 tur nos automobilistanan
 09.00 Noticia na Papiamento
 09.15 Programa dedica na tur A-
 manan di cas
 09.30 Mejico ta canta pa tur nos
 Amanan di cas.
 10.10 Noticia na Ingles
 10.20 La Macorisana E Interna-
 cional Supermarkets
 10.40 Continuacion di Amanan di
 cas.
 11.00 Dutch By Radio
 11.15 Noticia na Ingles
 1.25 Regalo Musical
 12.00 Melodias Antillanas
 12.10 Noticia na Ingles
 12.20 Noticia na Papiamento
 12.30 Noticia na Ingles
 12.45 Capsulas En Orbitas alrede-
 dor di Mundo Deportivo

P.M.
 01.00 Noticia na Papiamento
 01.15 Fiesta Calypso
 02.00 Lo De Ayer
 02.30 Boleros Romanticos.
 03.00 Music for Teenagers
 04.00 La Esperanza y su Ob-
 sequio Musical
 04.30 Complaciendo Peticiones
 05.00 Noticia na Papiamento
 05.15 Programa di Budweizer
 05.30 Calypsorama - China Clip-
 per.

05.45 Programa di Gobierno In-
 sular.
 06.00 Kinderuurtje
 06.15 Musica Norte-Americano.
 06.30 Noticia na Papiamento
 06.45 Dutch By Radio
 07.00 Felicitaciones y compla-
 ciendo Peticiones
 08.00 Programa pa tur Paciente-
 nan den San Pedro y Lago Hos-
 pital.
 08.15 Cont. di Peticiones y Com-
 placiendo Peticiones.
 08.30 Saludos Reddy Kilowatt
 (Dial. Diaz. Diabierne, Dia-
 sabra)-
 09.30 Dutch By Radio
 10.30 Melodias y Romance
 12.00 Clausura.

RADIO CARACAS TELEVISION

8.45 Senderos de luz
 9.00 T.V. Educativa
 10.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny
 13.15 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monte-
 verde
 15.30 Perfecta ama de casa
 16.00 Mejias y sus muchachos
 16.55 Busque su marca
 17.15 Loteria
 17.30 Revolver a la orden
 18.00 El Santo
 19.00 Los detectives
 19.30 Pajaros de acero
 20.00 El observador
 20.15 Torrealba y sus Torrealberos
 20.45 Esta noche Billo
 21.15 El matrimonio perfecto
 21.45 Los Defensores
 22.45 Noticias
 23.00 Cine en Español

RADIO VICTORIA

6.00 Peticiones
 6.15 E. Bijbel Habri
 6.30 Ultimas Noticias
 6.45 Ecos del Cielo
 7.15 Bo Musica Favorito
 7.45 El camino de Victoria
 8.00 Santa Leo
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Organ Melodies
 11.00 Chapel Of The Air
 11.15 Novela Cristiana
 11.30 Melodias Di Merdia
 P.M.
 12.00 Ultimas Noticias
 12.15 Musica Sagrada
 12.24 Thought For The Day
 12.30 World News
 12.45 Quiet Time
 1.00 Radio concert hall
 2.00 Reading Room
 2.15 Songs of Zion

Postsluitingen

Bonaire 16.00 - Canada 8.00 - Co-
 lombia 15.30 - Curacao (10.00)
 (16.00) - Jamaica 15.30 - U.S.A:
 Miami Fla (2) 15.30 - New York
 8.00 - Trinidad (5) 15.30 - Vene-
 zuela 15.30.

2.30 Quiet hour
 2.45 Radio revival
 3.15 World News headlines

3.45 Luz y Berdad
 4.15 Ultimas Noticias
 4.30 Musica Di Banda
 4.45 Noticias Español
 5.00 Informacio Di Gobierno
 5.15 Palabranan Di Bida
 5.30 Unshackled
 6.00 World News
 6.15 Haven Of Rest
 6.45 Listening Post
 7.00 Musical Interlude
 7.15 Off The Record
 7.30 Back To The Bible
 8.00 Musical Gems
 8.30 Nederlandse Nieuws
 8.45 Voor Zijn Glorie
 9.00 Klassieke Muziek
 10.00 Sign off

TRISTU...

Londres, -- UPI -- Un hobencito
 di tres aña di edad, quende ta
 bisa qu e yama "Nada" y su ru-
 man muher, a ser haña banda
 di un caminda ferrocarril. Ban-
 da di nan polisnan a haña un no-
 ta qu tabata bisa: "Por favor.

No kere qu mi no ta stima mi
 yunan. Al contrario. Mi ta sti-
 man nan hopi y mi rason lo
 kibra na dos si esaki no taba-
 ta e caso." Mi a bai e oficina
 di asistencia social y easki taba
 ta serrá. Mi no tin placa pa
 duna nan cuminda ni tampoco pa
 huur un cuarto."

Ora cu polisnan a puntra e ho-
 bencito con e yama, ela con-
 testá: "Nada". Despues ela bi-
 sa qu su ruman muher, qu tin
 mas o menos dos aña, yama
 Moira y cu e tabata cuidandé.

Ademas ela bisa qu "nan ma-
 ma a bai un tienda pa cumpra
 juice di apelsina pa nan...."

Bebe

B o c a C h i c a

waak bao die tapa

...y cobra bo premio!

"DESTINO FAVORABLE" NOVELA

No. 18.

"Mucha, no haci coy loco,
 mi conocebo, bo ta capas di tur
 cos", el a bisa asombra. Harien-
 do Peter a bula para y a brazé.
 "No spanta asina mama. Bo jiu
 homber grandi lo no haci coy lo-
 ko, bo mes saesey." Jendi stima
 cion Jetta ta caricia su cara, y e
 mester pensa con hopi Peter ta
 parce su tata. "Mama.....mama...
 Annerle a drenta paden, y tin su
 poeshi chikito den su braza teni.
 Su cara tabata rabia. "Pero An-
 nerle, ta kiko ta pasando cu bo,
 kiko a pasa bo poeshi?" "Harald
 di akibanda a corre tras di mi poe-
 shi, y ora cu mi a interveni, e ora
 Ralf, e makako loco, a bin y el a
 parimi....Pero mi a duné un zap-
 dra, mama...bo por ta sigur. Pe-
 ter ta keda mira su ruman chikito
 "Tende, Annerle ta kiko bo a bisa
 Ralf", el a puntra Manera un hen-
 de cu a haya un hinca, Annerle a
 bin para su dilanti y ta miré cu ra-
 bia. "Ta bo cuenta esey?" el a

grité. "Mas of menos, pasobra
 Ralf ta mi amigo, lagami bisabo,
 en caso bo no sa ainda." "Bo tin
 bunita amigo, bo mester ta orgu-
 loso di nan. E ta un mucha masha
 brutal, e ta keda weyta trakil di
 dje, con su cacho ta corretras di
 mi poeshi, y e ta hari tambe." Pe-
 ter a keda asombra pa un rato.
 Despues el a puntra calma, mien-
 tras e ta mira su moketanan pen-
 sativo: "Tende, bo a bisa Ralf cu e
 ta un barbaro?" "Si, kiko bo a ke-
 re cu mi tin miedo di dje?" tabata
 e contesta. Peter mester a hari
 duro. Desconfia su ruman muhé a
 keda miré. Despues Annerle ta
 muestra cu su dede riba su mes,
 manera hende cu kler bisa, cu su
 ruman homber no ta bon na suti-
 no. "Mi ta kere, cutin unschroef
 los den Peter su cabes, mama".
 El a cana jega serca Peter y a
 bati riba su braza. "Tende, Pe-
 ter bo tin un dolo, of bo no ta
 sinti bon?" Di repente Peter a
 stop di hari. El a comprende e

pregunta. "Bon bisa, mi mester
 pasabo poco faha Annerle. Pero
 mi tin duele di bo. Si Ralf tambe
 ta pensa asina, lo mi haya sa" el
 a contesta. "Mia, ta kiko mi tin
 cu nés, bo por wel di bisé."

"No tin mester, Srta. Annerle, ya
 mi a haya sa caba"? tabata e con-
 testa divertido nan tras. "Ralf, mu-
 cha, di unda bo a bini asina inespe-
 ra"? E joven a saludá e ama di cas
 cortosamente. "Despensami, por
 favor, Sra. Derix, cu mi cana
 drenta sin avisa" el a bisa cu un
 vos desagradable. "Pero bo poe-
 shi chikito a perde subel, duran-
 te e pelea cu Harald, y mi kler a
 debilbe na su donjo." Su pala-
 bran cu bofone pone e pregunta
 sali, ta kende e kler meen precies
 e poeshi chikito of Annerle mes.

"Mi mester gradici pa bo corte-
 sia, Sr. Raven. Pasobra mi no sa,
 kiko a pasa precies. Fordie ma-
 nera emocioná di mi jiu muhé, mi
 por bisa, cu Harald a hera mata
 su poeshi" "Nunca Harald lo
 pensa di haci esey, Sra. pasobra
 mi a crie masha bon." e mucha
 homber a bisa sonriendo. "Anto
 no ta stranjamí nada", tabata e
 contesta brutal. "Ta cone animal
 por ta mehor cu su donjo" Cu
 reproche e mucha homber ta sa-
 cudi su cabes. "Pero, Srta. An-
 nerle, bota injusto. Harald nota-
 bata rabia. Hopi blaha nan a jega

di hunga cu otro." E wowonan
 blauw di Annerle ta mire cu rabia.
 "Bo kler meen anto cu mi ta gan-
 ja" Ralf a pone su man na su pe-
 cho, pero e sonrisa riba su cara a
 muestra cu e no a tuma e henter a-
 sunto na serio. "Esey lo mi no ha-
 ci, Srta. Annerle, ta con mi por
 desmentí un dicho di un dama"
 "Dios gracia, Sr. Raven, pasobra
 sino mi a saca bo wowonan", taba-
 ta e contesta menazador. "Anner-
 le", Sra. Jetta a bisa, pakiko bo no
 kler tende prome, loke Sr. Raven
 tin di bisa" "Bah, kizas e kler
 nenga, cu su cacho a corretras di
 mi poeshi" "No, mi no por nen-
 ga esey, Srta. Annerle. Pero e
 blaha aki mi cachotabata inocen-
 te di berdad. Bopoeshi a atake,
 mientras e tabata drumi. Parce cu
 e no tin mucho bonbijn. Sin moti-
 bo el a hunje cu su hunjanan sker-
 pi den su nanishi. Naturalmente cu
 el a grita duro, pero e poeshi
 a bolbe dale un hunja, y e orasi,
 e pasenshi di Harald a caba. El a
 corre su tras, kende e manera
 semper ta pasa cu sexo femenina
 a huy bay". "Kiko bo kler meen
 cu esey, Sr. Raven, cu manera
 semper ta pasa cu sexo femeni-
 no", Annerle a puntra rabia. Su
 wowo bruin ta keda mire inocen-
 te. "Wel, tende, no ta asina. Pro-
 me nan ta muestra e hombernan,
 nan pia di fluweel, y despues nan
 ta hunja cu nan hunja skerpi, y o-
 ra nos defende nos curpa, e ora

nan ta corre bay, y nan ta duna nos
 culpa tambe. Y semper nos ta mal
 mira." "Mi Dios, mi Dios, te asi-
 na hopi desilusion bo tabata tin ca-
 ba" E ta caricia e poeshi chikito
 cu ta drumi keto den su braza. "Bo
 a haci masha bon, poeshi, bo por
 wel di sigui tenta Harold, pero no
 lague mihi cu bosi." "Srta. An-
 nerle, mi no ta haya esey nechí di
 bo", Ralf a bisa. "Mi Harald ta un
 bon bestia, pero si su pasenshi ca-
 ba, e ora e por bira masha brutal,
 y mi tin miedo, cu e y come bo
 poeshi hente." "No lagami hari"
 tabata e contesta cubofon. "Mi ta
 kere cu Harold ta bobo y flohopa
 haci esey".

"Warda lo bo mira las aparcién-
 cias enganjas!" Jetta, kende ta
 keda waak esun y e otro, a sinti
 un sospecho leve den su curpa. E-
 saki no tabata un guerra personal
 entre Annerle y e simpático joven
 cu ta amigo di Peter. Peter, ken-
 de te awor a tene su curpa afo, a
 bisa calma: "Mi ta propone boso
 pa serra pas cu otro. Laga e poe-
 shi y Harald mes bringa nan guer-
 ra. E poeshi mester sinja cu e ta
 corre peliger si e tenta e cacho,
 y e no mester probecho di e bon
 curazon di e pober cacho." "Na-
 turalmente, lo ta inimaginable, si
 bo no mester ofende bo amigo, a-
 trobe", Annerle a bisa su ruman.

E ta sigui.....

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG



lechi evaporado y lechi en polvo

MAXWELL HOUSE KOFFIE.**CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.

**BUCHI ROBEZ****PEPITA**

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND

**DICK TRACY**

presenta pa cortesia di

VICTORIA BOTTLING COMPANYPEPSI-COLA --- SEVEN UP --- GRAPETTE - KIST -- VICTORIA SODA WATER ---
BUFFALO ROCK --- GINGER ALE ---**Horoscopo personal**

ARIES-21 di maart-20 di april-
Carifonan tierno di bo yunan
ta hasi mas pa calma bo tension
nervioso cu cualquier otro cos.

TAURO-21 di april-21 di mei-
Traha bon plannan pa fin di si-
man. Quiza lo ta bon si bo in-
clui bo pariente- y amigunan.

GEMINIS-22 di mei-21 di juni-
Si bo no por convence otro per-
sona, no insisti hopi, pa motibu
cu esaki por ponebo perde su
amistad. Corda cu probable-
mente bo mes no tin rason.

CANCER-22 di juni-23 di juli-
Esaki ta un dia den cual lo bo
obtene exito o lo bo fracasa.
Hasi lo mihor cu bo por y bai
bo cas.

LEO-24 di juli-23 di augustus-
Trata di no hasi demasiado pre-
gunta. Tin hopi persona cu no ta
gusta pa boso hasi nan.

VIRGO 24 di augustus-23 di sep-
tember- Usa bo inteligencia pa un
cos bon. Bo por usa bo influencia
sempre y ora bo ta actua cu tac-
tica y diplomacia.

LIBRA-24 di september - 23 di
october- Negoshinan ta bon y si
Libra usa su cabes e por saca
bon probecho.
Hasi un esfuerzo sincero pa re-
solve bo porvenir una vez pa tur
hende.

TYRENAN DUNLOP**MEJOR CALIDAD Y NO TA COSTA MAS!**

Agente na Aruba:

N.V. WARENHUIS VAN DER REE

Oranjestad - tel. 1213

SAGITARIO-23 di november-22
di december- Maganimidad ta un
cos excelente pero no empleeie
te na e grado cu bo perde un cos
cu bo merece.

CAPRICORNIO 23 di december-
20 di januari- No preocupabo
pa obtene amigunan nobo e dia
aki.
En bes di esaki concentra bo a-
tencion den mundo di negoshinan.

ACUARIO-21 di januari-19 di fe-
bruari- Si bo ta diagnosticando
bo malunan, mira mas aya di bo
sintomanan fisico. Quiza no tin
mester di descansa solamente.

PISCIS-20 di februari - 20 di
maart- Esaki ta un dia pa bo
presenta bo pian na bo chefnan.
Ojala bo no tin mala suerte.

ERROR HUMANO

Mexico--UPI-- Despues ditabata
ausente durante un fin di siman
e sargento di ehército mejicano
Jorge Rivera Rodriguez, ayera
a regresa su cas y a puntra su
bisiñanan na unda su esposa y
otro miembronan di su famia
ta.
E bisiñanan a contesta: " Nan
a bai entierro".
"Entierro di quen?, ela puntra."
"Di bo", nan a contestele.
Rivera Rodriguez e ora ey a
corre bai e posada funebre y a
haña su famia y otro persona-
a reuni rond di un caha di mor-
to. A resulta qu e caha di mor-
to tabata contene cadaver di un
otro sargento, quende a muriden
un accidente di trafico y erronea-
mente a ser identificá como esun
di Rivera Rodriguez.